



門武 9
號 83
卷 12



保嬰全書卷十二

明太醫院院使薛己著

疔瘡

諸瘡惟疔毒為甚而殺人亦速古云疔有十
三種種各不同內三十六疔滿其數即不可
救亦有不滿其數而死者乃毒氣走散故也
若痘毒染人發於頭面或遍身者又非此類
在小兒多因乳母食有毒之物或兒卒中飲

保嬰全書卷十二

食之毒或感四時不正之氣皆能致之其瘡
多生頭面四肢形色不一或如小瘡或如水
泡或痛或痒或麻木不仁外症寒熱嘔吐惡
心肢體拘急大要當分邪之在表在裏急用
隔蒜灸法并解毒之劑若不省人事牙關緊
閉急以奪命丹為末熟酒調灌如食生冷之
物或用凉水淋洗則輕者難愈重者不治其
生於兩足者多有紅絲至臍生於兩手者多
有紅絲至心生於唇口之內者多有紅絲入
喉急用針挑出惡血以泄其毒可保無虞其
在偏僻之處藥難導達者惟灸法有回生之
功若投峻厲之劑是促其危矣小兒肌肉脆
嫩且不能言痛否灸法須將蒜切薄片着肉
一面略刺少空灼艾燃蒜先置大人臂上試
其冷熱得宜然後移着瘡上又別灼蒜如前
法試之以待相易勿令間歇

毗陵金文治子將週歲唇上患疔余用活命
飲母子並服更欲隔蒜灸彼不從見腫勢益
盛勉灸數壯余誠以多灸為佳又為人所阻
而止頭面益腫乃復灸五十餘壯腫勢漸消
時與乳母服活命飲瘡出黃水翌日潰而得
生

一小兒三歲手患紫疔二顆寒熱作痛用仙
方活命飲半盃而愈數日後手臂俱腫乃用
隔蒜灸服前藥而愈

一小兒足患之嘔吐腹脹二日不食欲用護
心散診氣口脉大審其大便所出皆酸穢余
曰此飲食停滯耳非瘡毒內攻也若用護心
等劑則誤矣急投保和丸二服及隔蒜灸而
愈其時同患是症用護心敗毒之劑者俱致
不救

一小兒面上患之寒熱發搐此熱極而肝火

動也用荊防敗毒散及隔蒜灸搗止熱退更服異功散加升麻柴胡桔梗而愈

一小兒患於胸外敷寒涼內服敗毒更欲嘔不食面色痿黃右關脉浮數按之微細此脾胃復傷所致也急用隔蒜灸服異功散倍加白朮半夏翌日又服活命飲而愈

一小兒患前症服敗毒之藥作嘔不食余謂胃氣復傷不信另服護心散嘔甚神思沉困手足並冷脉微細如無急用五味異功散加乾薑二服嘔止食進去薑又四服而愈夫護心散皆寒涼之藥乃宋人為服丹砂蓄熱發疽者而設胃氣有傷即當溫補多因此藥停於胸膈惟覺陰冷作嘔沉困者世人皆謂毒氣攻心而遂槩用之其鮮有不敗事者矣

一小兒手背患此敷服皆寒涼之劑腹脹痰喘瀉糞穢臭余謂脾胃復傷而飲食停滯也

不信仍服治瘡之藥而歿

一小兒臂患之色赤腫起恪用化毒丹鐵箍散腫處頓平肉色白陷再日色黯痰喘氣促余謂瘡毒反入於內也辭不治果歿

飛龍奪命丹治瘡毒發背腦疽等症

真蟾酥 乾者輕粉 枯白礬

寒水石 銅碌 乳香

沒藥 麝香 朱砂 各六錢

蝸牛 四十箇另研如無亦可

右各為末入蟾酥蝸牛或加酒少許糊丸菜豆大每服一二丸温酒或葱湯下重者

外用隔蒜灸法

荆防敗毒散即人參敗毒散加荆芥防風 方見

注流

仙方活命飲 方見熱毒瘡瘍

保和丸 方見發熱不止

五味異功散

方見敗毒之藥

時毒

二頭面赤腫

小兒時毒因感四時不正之氣致鼻面耳項或咽喉赤腫寒熱頭痛甚者恍惚不寧咽喉閉塞狀如傷寒五七日間亦能殺人脉浮數者邪在表脉沉瀯者邪在裏在表用葛根牛蒡子湯在裏用梔子仁湯表裏俱病者犀角升麻湯甚則宜砭及用通氣散宜泄其毒旬日自消若不消而欲作膿者用托裏消毒散欲收斂者用托裏散若咽腫不能言頭腫不能食者必死

一小兒患此三日二便調和用葛根牛蒡子湯漫腫悉退惟頰間赤腫欲作膿用活命飲二服外用代針膏而膿出再用托裏消毒散而愈

一小兒腫赤焮痛此欲作膿也用托裏消毒

散二劑膿成針之腫痛頓減又二劑漸愈却以柴胡梔子散加白芷升麻與母服之愈一小兒腫焮作痛藥不能下咽先用通氣散連作噓却用犀角升麻湯乳食稍進腫痛漸消仍服數劑而膿血漸少母服加味道遙散而愈

一小兒患之咽喉作痛二便自調用葛根牛蒡子湯二劑茸桔湯四劑腫痛漸愈診乳母左關脉弦數用加味道遙散母子並服而消一小兒患之赤腫作渴外敷內服皆寒涼之藥余欲洗去敷藥急用發散表邪開通腠理之劑不信仍用前藥遂至不救通氣散治時毒焮痛咽喉不利取噓以泄其毒

玄胡索

猪牙皂角

川芎

各一錢

藜蘆

分五

羊躑躅花

分三

右為細末用紙撚蘸少許維鼻內取嚏為効

井桔湯治肺經壅熱胸膈不利咽喉腫痛痰涎壅盛方見時毒

犀角升麻湯治風熱口唇頰車連牙腫痛

犀角錢二

升麻

防風

羌活

川芎

白芷各五錢

黃芩

甘草各一錢

白附子四分

右每服三五錢

梔子仁湯治時毒腫痛大便秘結

鬱金

枳殼炒

升麻

山梔仁

牛蒡子研碎

大黃炒各等分

右為細末每服二三錢蜜水調服

葛根牛蒡子湯治時毒腫痛消毒解熱

葛根

管仲

甘草

江西豆豉

牛蒡子

半生半炒研碎各等分

右每服三五錢水煎

柴胡梔子散

方見脇癰

托裏消毒散

代針膏

托裏散

仙方活命飲

四方並見熱毒瘡瘍

加味逍遙散

流注三

小兒流注乃氣流而注血滯而凝元氣不足之症也或因閃跌墮傷或因肝火氣逆或因六淫內侵或因脾虛食積或因稟賦所致結於四肢節髀患於胸腹腰臀或結塊或漫腫或作痛悉用葱熨之法須固元氣為主閃跌者和血定痛丸肝火者九味蘆薈丸食積者四味肥兒丸藥能對症未成自消已成自潰若膿成不潰者元氣虛也先補而針之庶使

毒氣不致內攻氣血不致脫陷若膿出而反
痛者氣血虧也用八珍湯作嘔少食者胃氣
虛也用四君子湯欲嘔不食或腹作脹者脾
氣虛也用六君子湯口噤搐搦者氣血虛極
而變症也十全大補湯內熱晡熱陰血虛也
四物參芪白朮表熱惡寒陽氣虛也十全大
補湯熱來復去或晝見夜伏晝伏夜發者虛
熱也當大補元氣若色赤腫起而膿稠者尚
可治不赤硬而膿清或脈洪大寒熱發渴及
不受補者皆不可治

楊鴻臚子年十二左脇下患此服流氣飲十
宣散之類元氣益虛年餘不斂左尺脈數而
無力左關脈弦而短此肝經之症因稟腎水
不足不能滋養肝木血燥火熾而然耳用六
味地黄丸以滋腎水九味蘆薈丸以清肝火
而愈

一 小兒九歲患此久不收斂或咳嗽或寒熱
皆服清氣化痰之藥前症益甚至夜作喘口
開徹夜不寐手足並冷藥餌到口即嘔余謂
悉因脾氣虛甚所致先以人參白朮各五錢
炮薑五分以米湯煎之時灌數匙次日能服
一盃次日又服一劑諸症漸愈至十餘劑後
朝用補中益氣湯夕用異功散而愈

李通府子十六歲腰患之三年不愈色黯下
陷余曰此腎經症也宜用六味丸滋化源以
生腎水更用如聖餅外散寒邪以接陽氣不
信別用雜藥元氣益虛七惡蜂起始信余言
仍用前藥而愈

陳州守子閃右臂腕腫痛用流氣等藥發熱
惡寒飲食少思口舌乾燥腫痛愈熾形氣益
疲余以助胃壯氣為主佐以外治之法而愈
黃地官子腿患之腫痛發熱以濕毒治之虛

症悉至余謂此元氣虛弱外邪乘之也用十全大補湯如聖餅而愈

一小兒臂肘腫硬用流氣飲肉色不變飲食少思余曰此肝脾虛症也用六君桔梗薄桂茯苓半夏及如聖餅而消

一小兒腿腕間患此已半載腫硬色白形氣俱虛余先用五味異功散加當歸三十餘劑却佐以八珍湯二十餘劑更用葱熨法腫勢漸消中間一塊仍腫此欲作膿也當補其血氣遂用托裏散為主異功散為佐仍用葱熨法月許針出稠膿仍用前二藥及豆豉餅三月餘而愈

一小兒腿患之腫硬色白惡寒懶食此脾胃陽氣虛而不能成膿也非敷貼敗毒所能療遂用托裏散及葱熨法月餘患處脹痛發熱膿成針之膿出而安仍用托裏散肢體漸健

因飲食內傷泄瀉忽口噤目閉自汗手冷此脾胃虛寒之惡症也以異功散內用人參一兩乾薑一錢半灌之盡劑而甦又以托裏散內用人參五錢數劑始能動履却用托裏散大補湯葱熨法豆豉餅半載而愈

一小兒十五歲早喪天真日晡發熱遍身作痛或四肢酸軟唾痰頭運服祛濕化痰之藥腿之內外肉色腫硬而不變因服敗毒之藥

虛症蜂起按褚氏云男子精未滿而御女以通其精五臟有不滿之處異日有難壯之疾正合此論遂用補中益氣湯及地黃丸半年而愈此等症候誤認為實熱而用敗毒之藥者必致不救

賈閣老子年十六患此二載矣脉洪大而數膿清熱渴食少體倦夜間盜汗午前畏寒余曰此真氣不足邪氣有餘之症治之無功矣

彼懇求治午前勉用四君芎歸炙草午後四
君麥門五味逾月諸症漸減有用滲利之劑
保其必全者彼信服之形體骨立未幾而歿
一小兒右腿腕壅腫形體怯弱余欲以補氣
血為主佐以行散之劑彼不信反內服流氣
飲外敷寒涼藥加發熱惡寒形體愈瘠始求
治於余余曰惡寒發熱脉至洪大乃氣血虛
敗之惡症也不可治矣後潰而不斂瀝盡氣
血而亡

掌教顧東帆子十餘歲秋間腰腿隱隱牽痛
面色青中兼黑余曰青是肝虛黑是腎虛當
急調補脾腎否則春間必患流注矣不信另
用行氣破血之藥至夏腰臀間漫腫五寸許
復來請治脉數而滑按之如無此元氣虛極
而膿內潰不能起也辭不治後果歿
健脾滲濕飲治瘡瘍初起焮腫作痛或濕毒

下注或環跳穴痛

人參

白朮

蒼朮

防已

酒拌

黃柏炒

川芎

陳皮

當歸

茯苓

各五分

木瓜

不犯鐵器

柴胡梢

茸草

各三分

右薑水煎服如三五劑不退加桂少許酒煎亦可小便澁加牛膝心痛加羌活

和血定痛丸

一名黑丸子

治流注膝風或閃跌瘀

血肢節腫痛服之自消若潰而發熱與補

藥兼服自効

百草霜兩五

赤小豆兩八

川烏

炮一兩五錢

白蘛兩八

白芨

南星

炮各二兩

芍藥

當歸

牛膝

各五兩

骨碎補

兩四

右為末酒糊丸桐子大每服二三十丸白

湯下

神效葱熨法治流注結核或骨癰鶴膝等症
先用隔蒜灸若餘腫尚存用此熨之以助
氣行血散其壅滯功效甚速又治跌撲損
傷止痛散血消腫之良法也其法用葱細
切搗爛炒熱頻熨患處冷則易之如鶴膝
風兼服大防風湯而愈

隔蒜灸法治流注及癰疽鶴膝風等症每日
灸二三十壯痛者灸至不痛不痛者灸至
痛其毒隨火而散蓋火以暢達拔引鬱毒
此從治之法有回生之功其法用大蒜去
皮切三文錢厚安患處用艾壯於蒜上灸
之三壯換蒜復灸未成即消已成者亦殺
其毒如瘡大用蒜杵爛攤患處將艾鋪上
燒之蒜敗再易如不痛或作膿或不起發
及瘡屬陰症者尤當多灸凡瘡不痛不作
膿不發起者皆氣血虛也多主不治惟患

在頭面者不宜多灸論中嬰兒灸法見疔瘡

如聖餅治流注及一切瘡瘍不能消散或潰而不斂

乳香

沒藥

木香

血竭

當歸

各等分

麝香

減半

右為末用酒糊和餅二箇乘熱熨之毒瘡加蟾酥

六味丸一名地黄丸此壯水之劑也夫人之生以腎為主凡病皆由腎虛而致其流注癰癤屬肝腎二經發熱作渴小便淋秘痰氣壅盛嗽血吐血頭目眩暈小便短少眼花耳聾咽喉燥痛口舌瘡裂齒不堅固腰膝痿軟五臟虛損尤宜用之乃水泛為痰之聖藥血虛發熱之神劑也方見發熱不止當歸補血湯治流注及潰瘍肌熱面赤煩渴

脈洪大而虛重按全無此血虛症也誤服
白虎湯必死 方見發熱不止

益氣養榮湯治流注氣血虛弱不消散或四
肢頸項患腫不問堅軟赤白或痛或不痛
日晡發熱或潰而不斂 方見鶴膝風

十全大補湯治諸瘡血氣虛弱不能消散潰
腐收斂或寒熱汗出口眼歪斜肌瘦少食
或日晡發熱自汗盜汗或朝寒暮熱瘡口

不斂等症

方見便癰

天蛇毒 四

手指頭生瘡俗名天蛇毒然五指各有經絡
拇指屬手太陰肺經食指屬手陽明大腸經
中指屬手厥陰心包絡經無名指屬手少陽
三焦經小指屬手少陰心經亦有患於足者
足趺屬肝膽胃三經大指屬肝脾二經次指
屬膽經小指屬膀胱經各當隨經而治其致

患之由或因胃中積熱所發或因乳母膏粱厚味所致或因濕熱下流或因風毒外中大率多由所稟足三陰之經虛故邪得以入之也其初患腫痛者先用仙方活命飲次用托裏消毒散元氣下陷重墜作痛久而不潰者用補中益氣湯若服敗毒散及敷寒涼之劑則瘡口變黑或努肉突出或指皆黑大抵手足為氣血難到之處手屬於胃足屬於脾不可損其真氣丹溪以醫居僻位尚言氣血罕到况肢末乎故寒涼克伐之藥所宜深戒者也

一小兒十四歲手大指患之色赤腫痛用奪命丹二粒活命飲一劑將愈因飲酒沐浴而瘡復作發熱咳嗽余謂此毒原屬肺經今肺為濕熱所攻瘡毒乘勢妄行故復作耳先用瀉白散二劑而痰喘除又用托裏消毒散而

瘡愈

一小兒食指患之迸出血水瘡口凸腫上連手背久而不愈余曰此元氣虛弱風邪襲於患處血氣不能運及而然用托裏散及葱熨之法諸症悉退又用豆豉餅異功散加升麻柴胡而愈

一小兒患之作痛發熱內外皆用寒涼之藥手背出膿三月不愈面色痿黃此脾氣復傷也先用異功散加升麻柴胡桔梗漸愈又佐以托裏散豆豉餅而痊

一小兒十三歲素食膏粱足大指患之腫連脚面喜飲冷水右關脉洪大此脾氣復傷而積熱下注也先用清胃散四劑次用活命飲二劑腫痛漸消又用托裏消毒散數劑膿潰而愈

一小兒足大指漫腫上連趺陽色赤腫甚右

關脉數而有力此胃經濕熱下注也用活命
飲一劑大指本節後始發瘡頭痛亦稍止再
劑而漫腫悉退又用消毒散出膿托裏散收
斂而愈

一小兒足次指慙之色赤腫痛上連於腿外
塗寒涼之藥反致麻木重搗方知此氣血難
到之所又因寒涼過絕而然急以活命飲加
黃芪五錢煎服外以薑葱湯洗去敷藥用隔
蒜灸法半晌知痛其腫頓退再用托裏散加
人參三錢數劑膿潰而愈

一小兒足大指患之內服外敷皆寒藥也腹
痛惡心手指並冷此脾胃之氣復傷而作非
瘡毒也先用異功散加柴胡升麻白芷及仙
方活命飲各一劑諸症頓退又用托裏消毒
散膿潰而愈

一小兒足大指患之變膿窠之狀良久乾硬

痛甚小便頻數此稟父腎經虛熱所致用六味地黃丸而愈

一小兒足中指患之耳中腫痛小便頻數此稟父肝腎虛熱為患用六味地黃丸為主佐以柴胡梔子散而愈

一小兒不時生瘡皆在手足之表年餘不愈審其乳母善怒用加味逍遙散母子服而愈
一小兒足大指患之腫痛連脚用活命飲及隔蒜灸其痛不止着肉艾灸數壯方止用活命飲及托裏消毒散而愈

一女子十五歲足拇指痒痛敷敗毒之藥勢益甚而色黯余謂脾經鬱結所致彼人略不經意後朝寒暮熱飲食頓減患處微腫足脛漸細而歿

錢氏瀉白散

方見臂癰

奪命丹

方見疔瘡

消毒散

方見胎毒發丹

葱熨法

托裏散

二方見流注

仙方活命飲

托裏消毒散

二方見熱毒瘡瘍

東垣清胃散

方見腹癰

五味異功散

方見敗毒之藥

補中益氣湯

方見肌肉不生

天泡瘡五

天泡瘡狀如水泡屬肺胃二經風熱若發熱
 焮痛邪在表也用人參敗毒散發熱咳嗽邪
 在肺也用加味瀉白散熱渴便秘邪在內也
 用加味清涼散此肌膚之症當去毒水以金
 黃散或黃栢蚯蚓敷之當歸膏亦善既安不
 必服藥若因攻伐過度元氣虛而變生別症
 者當參各門治之

一小兒患此炊赤惡寒發熱大小便赤澁此邪在表裏之間遂外敷金黃散內服大連翹飲子諸症少愈更加味解毒散而痊

一小兒患之炊痛發熱大小便如常此邪在表也挑去毒水敷金黃散用荆防敗毒散治其表柴芍參苓散安其裏而愈

一小兒患此服敗毒之劑喘嗽唇白此脾肺之氣復傷也先用補中益氣湯一劑諸症悉退後加桔梗白芷二劑而愈

一小兒患此服敗毒散傳寒涼藥嘔吐泄瀉猶索敗毒散余佯諾之却以五味異功散加柴胡升麻而吐瀉愈又用柴芍參苓散而瘡痊

一小兒患此服敗毒之藥腹痛泄瀉余意脾氣復傷宜用五味異功散不信仍服敗毒之藥後果不食作嘔流涎泄瀉後重余先用補

中益氣湯次用五味異功散而愈

一小兒患此服敗毒散作渴飲湯余與七味
白朮散治之不信自服敗毒之藥前症益甚
更加嘔吐不食來請治余曰嘔吐不食手足
並冷痰喘氣促唇色皎白始見虛寒即當溫
補反服攻伐元氣之藥虛而又虛今脾肺敗
症已見莫能為美辭之果不治

柴芍參苓散治肝膽經分患天泡等瘡或熱

一毒癩癰之類

柴胡

芍藥

人參

白朮

茯苓

陳皮

當歸

各五分

牡丹皮

山梔

甘草

各三分

右每服二錢水煎服

加味解毒散治天泡瘡發熱作痛即加味消
毒散加金銀花漏蘆

玄參

連翹

升麻

芍藥

當歸

羌活

生地黄

牛蒡子

炒各三錢

黃芩

甘草

各二錢

金銀花

漏蘆

各五錢

右每服一二錢水煎服或用蜜丸

金黃散治天泡瘡消毒止痛

滑石

甘草

石各另為末和勻傳患處如泡挑去水傳

之加黃栢尤好

補中益氣湯

方見肌肉不生

五味異功散

方見敗毒之藥

加味瀉白散

即瀉白散加山梔杏仁

楊梅瘡

六

楊梅瘡乃天行時毒亦有傳染而患之或稟賦所得者受症在肝故多起於下部治失其宜多致蝕傷眼目腐敗腎莖拳攣肢節初起

之時上體多者先用荆防敗毒散下體多者
先用龍膽瀉肝湯大便秘者用大連翹飲後
用換肌消毒散若蝕傷眼目兼用九味蘆薈
丸六味地黄丸肢節拳攣兼用蠲痺解毒湯
若因脾胃虧損而不能愈者先用異功散後
用換肌消毒散若用輕粉之藥多致敗症也
一小兒週歲傳染此瘡誤薰銀硃之藥昏憤
不乳遍身無皮用菜豆黃柏遍搽蓆上令兒
睡卧更用金銀花生甘草為末白湯調服漸
愈若瘡乾燥更用當歸膏誤用輕粉者亦以
前藥解之

一小兒患此年餘不愈形體消瘦日脯尤甚
朝用八珍湯夕用換肌散并太乙膏三月餘
而愈

一小兒原有肝疳後染前症膿水淋漓腹脹
嘔吐小腹重墜余用補中益氣湯以升補中

氣不信仍服消毒之劑更喘嗽流涎余謂脾氣虛而肺氣弱也朝用補中益氣湯夕用五味異功散元氣漸復乃佐以換肌消毒散尋愈

一小兒因母曾患此症生下即有用換肌散母服五十餘劑子用當歸膏調金黃散隨患處傳之尋愈

用四君桔梗柴胡發熱嘔吐胃氣傷少用異功散發熱作瀉脾氣虛也用六君子湯並加柴胡升麻餘當臨症裁之

一小兒患此膿水淋漓寒熱作痛服抱龍丸敗毒散更加氣喘等症蓋氣喘發搐乃肝火乘脾咬牙流涎乃脾氣虛寒遂朝用補中益氣湯夕用五味異功散外敷立効散而愈

一小兒患此發熱驚悸倦怠面黃懶食流涎服清涼之藥更加吐瀉睡而露睛余謂心脾

虛熱用六君乾薑一劑頓愈又用異功散立
効散而愈

一小兒患此或痒或痛膿水瀝淋服表散之
劑更惡寒發熱嘔吐不止手足並冷此病氣
實而元氣虛也先用異功散加桔梗藿香而
嘔吐止又用異功散而寒熱除用人參消風
散而瘡愈

木瓜不犯鐵器

木通

金銀花各七分

苘草

連翹

防風各五分

茯苓錢

黃芪炒二錢

芍藥炒一錢

川芎八分

生地黄八分

右作二三劑水煎出幼者作一劑煎分兩

三次服

蠲痺解毒湯

薑黃

羌活

白蘚皮

赤芍藥

當歸各四分

白木五分

茯苓

白芷

皂角子

炒各三分

右水煎服

九味蘆薈丸

方見喉痺

當歸膏

方見湯火瘡

太乙膏

方見跌撲外傷

金黃散

方見泡瘡

赤白遊風七

赤白遊風屬風熱血熱蓋血得熱而遊走耳

白屬氣分赤屬血分或因腠理不密風熱相搏拂鬱而成或因乳母食膏粱厚味所致若風熱者用小柴胡湯加防風連翹血熱者用四物湯加柴胡山梔牡丹皮風熱相搏者用人參敗毒散內熱外寒者用加味羌活散胃氣虛弱者用補中益氣湯加羌活防風或消風散血虛者用加味逍遙散如未應用逍遙散六味丸若嬰兒患此當審其受症之因而

調治其母

一小兒患此其色或赤或白或痛或痒詢之
母因食膏粱厚味所致余用東垣清胃散治
其母牛黃散治其兒而愈

一小兒患此因母鬱怒所致母用加味小柴
胡湯及加味逍遙散兒熱止又以加味歸脾
湯而愈

一小兒患此嗜膏粱甜味齒齲浮腫漸至蝕
爛先用清胃散後以四味肥兒丸間服而愈
一小兒患此色赤作痒脉浮數此肺胃二經
風熱也用人參消風散而愈又因停食復發
色赤作痛先用保和丸後用異功散而消
一小兒患此作痒搔破膿水淋漓寒熱往來
此肝經血燥而生風先用加味逍遙散肝症
頓退倦怠少食用異功散三黃散而愈
一女子十五歲患此色赤作痒寒熱脇痛面

青或赤此肝火動而血熱也先用加味道遙散加膽草四劑諸症頓退但體倦少食惡寒欲嘔此脾為肝木所侮而肺氣虛也用五味異功散及加味道遙散而愈

一女子患此寒熱作嘔先用加味小柴胡湯二劑而安再用人參消風散而愈後因怒發熱經行如崩遍身赤色四肢抽搐難以診脈視其面色如赭此肝心二經木火相搏而血妄行耳先用柴胡梔子散再加味道遙散諸症頓退又用八珍湯而痊

一小兒因母感寒腹痛飲燒酒兒遍身皆赤遊走不定昏憤發熱令乳母時飲冷米醋一二杯亦以二三滴塗兒口內週日而痊

歸脾湯治小兒因乳母憂思腸脾血虛發熱患前症久不愈食少體倦或便血下血怔忡不寧驚悸少寐或心脾作痛自汗盜汗等症

方赤遊風

人參消風散治赤白遊風或風熱隱疹搔痒
或寒熱作痛

人參錢三

荆芥穗

甘草灸

陳皮錢各五

白殭蠶

茯苓

防風

芎藭

藿香

蟬蛻錢各三

羌活錢二

厚朴錢三

薑製

右每服一二錢水煎

加味逍遙散方見發熱不止

三黃散方見黃水瘡

柴胡梔子散方見脇癰

小柴胡湯方見腋癰

加味小柴胡湯方見熱毒瘰癧

牛黃解毒散方見頭面瘡

發癩八

潔古云癩疹之病焮腫於外者屬少陽相火也謂之癩小紅屬隱於皮膚之中者屬少陰君火也謂之疹癩疹並出則小兒難禁然首尾俱不可下大抵安裏之藥多發表之藥少小便秘則微踈之身溫者順身涼者逆大忌外敷寒涼內用踈導無此二者可保無虞

一小兒患癩發熱體倦少食此脾肺氣虛外邪相搏也先用消風散二劑隨用補中益氣湯加茯苓芍藥而愈

一小兒患癩作痛熱渴服發表之劑益甚形氣倦怠脉浮而數此真氣復損而然耳遂用人參安胃散補中益氣湯而愈

一小兒患癩發熱用犀角消毒散一劑吐瀉頓作余曰此邪氣上下俱出矣勿藥自愈未幾果安

一小兒素面白患疹作痒鼻塞流涕咳嗽不

止用敗毒散膿水淋漓惡寒喘急朝寒暮熱
余謂脾肺之氣復傷耳用補中益氣湯稍愈
佐以五味異功散而愈

一小兒患疹寒熱搔痒先用消風散治其兒
次用加味逍遙散治其母兩月而愈

一小兒患癩作渴發熱咳嗽此邪在表宜汗
之先用葛根橘皮湯一劑次用玄參橘皮湯
而安癸丑歲患此症者余先用葛根橘皮湯
後仍用玄參橘皮而全愈

一小兒患疹先用抱龍丸解之彼之父母另
用以他藥下之其疹稠密余曰凡瘡疹始出
未有他症但須用平和之藥以解之如三日
不出或出而不快宜微發之更又不出當再
發之出而不多脉和平者無他症也若瘡疹
本稀少者不可更發若瘡疹起發而能飲食
者以大黃丸下一二次若初起就用下行之

劑則裡虛而瘡疹不能盡發出而稠密難治
至三日其瘡疹黑陷所喜特不寒戰余遂用
百祥丸及牛李膏各一服其瘡疹復紅活而
愈

一男兒因戲鞦韆絕繩而墜遂患急驚發搐
或用以表散之藥不愈余曰此乃急驚當先
退其熱遂用以大黃丸玉露散及惺惺丸又
加以牛黃龍麝解之至三日肌膚尚熱余曰
再二日不愈必發癩瘡也已而果然用服必
勝散七日而愈此乃初因誤散其表則內熱
不止而癩疹必自生也若幼小之兒猶宜謹
慎

百祥丸治痘瘡及癩疹黑陷嗽吐青綠水

紅牙大戟

陰乾漿水煮軟去
骨復入原汁中煮

右焙乾為末水丸粟米大每服十丸赤脂
麻湯下服後須急以四君子加丁香陳皮

木香厚朴炮薑以溫補土脾若身熱飲水
黑陷復起十中可救一二

牛李膏治痘瘡癰疹黑陷

牛李子

右杵汁石器內熬膏每服皂子大煎杏膠湯化下

玉露散治傷熱吐瀉黃色後藥為末每服五分白滾湯調下

石膏煨 寒水石各五錢 甘草二錢五分

人參安胃散治癰疹及服峻劑以致虧損脾

胃虛熱泄瀉嘔吐飲食少思等症喉痺

犀角消毒散治癰疹丹毒發熱痛痒及瘡疹

等症

牛蒡子 甘草 荆芥

防風各五分 犀角鎊二分 金銀花三分

右水煎熟入犀角傾出服

補中益氣湯方見肌肉不生

五味異功散方見敗毒之藥

加味逍遙散

方見發熱不止

黃水粘瘡九

小兒黃水粘瘡屬肝脾二氣風熱積熱所致邪在表而痒痛者輕則犀角消毒散重則連翹防風湯邪在內而大便秘者輕則九味解毒散重則大連翹飲若頭目不清憎寒壯熱作渴便秘者表裏俱有邪也加味清涼飲若誤服尅伐之藥而致發熱惡寒者肺氣傷也

一小兒十四歲患此用薰法肢體面目悉皆浮腫數日間遍身皮膚皆潰如無皮狀膿水淋漓先用金銀花甘草煎湯與之恣飲又為末摻遍身及鋪枕席令兒卧之半月許皮膚稍愈却佐以換肌散而愈又一小兒二歲用薰法吐痰喘燥不及治而死

換肌消毒散

一名草蘇散

治楊梅瘡不拘初患日

久並効

土茯苓

即草

當歸

白芷

甘草

皂角刺

薏苡仁

白蘚皮

木瓜

不犯鐵器

右水煎食前并空心服

又方 治大人之劑如用前方未應或兒長

大宜用此方

土茯苓

五錢

當歸

白芷

皂角刺

炒

薏苡仁

各一錢

白蘚皮

一小兒所患同前服荆防敗毒散加喘嗽腹脹四肢發搐此脾肺氣虛而肝木乘之用異功散加柴胡升麻桔梗一劑諸症頓退又服異功散二劑而愈

一小兒患此服抱龍丸之類汗出喘嗽此肺氣虛而為外邪所乘也用異功散加桔梗二劑又傷風發熱咳嗽其瘡復甚用惺惺散一服外邪頓退又用異功散而痊

毛通府子患此卵關脉青兩目時劓形體困
倦此土虛木旺當用和肝補脾湯反服敗毒
散前症益甚更加吐瀉不食遍身發泡余用
前湯刺泡出水用菘豆甘草末頻鋪席上任
兒睡卧後用神効當歸膏而愈

沈尚寶子患此咳嗽惡寒用大連翹飲腹脹
少食此表症瀉裏致元氣復損非其治也用
補中益氣湯而愈

一小兒患此作痒發熱膿水淋漓面赤惡寒
此肝火血熱用加味逍遙散稍愈又用和肝
補脾湯而痊

一女十四歲遍身疙瘩搔破膿水淋漓發熱
煩燥日晡益甚此血氣虛而有熱也用加味
逍遙散而愈

大連翹飲治風毒熱毒發熱作痛二便不利
表裏俱實 方見臂癰

柴胡梔子散治肝膽風熱生瘡作痛發熱或
瘡破而膿水淋漓或發寒熱晡熱即柴胡
梔子散 方見脇癰

犀角消毒散治熱毒積毒發于肌表而頭面
生瘡或痛或痒者 方見發癰

九味解毒散治熱毒胎毒而發瘡瘍之類未
潰作痛者

黃連 炒三分

金銀花

連翹

芍藥 三分

山梔 四分

白芷 六分

當歸 八分

防風 三分

甘草 三分

右水煎母子並服

人參消風散 方見赤白遊風

加味清涼飲治熱毒積毒在內患瘡瘍大便
不通而欲痛作渴者

當歸

赤芍藥

甘草 炙

大黃 炒各三分

山梔 炒三分

牛蒡子 炒杵四分

右水煎服

荆芥敗毒散治風熱相搏邪氣在表患瘡瘍之類寒熱作痛者方見流注

補中益氣湯治瘡瘍之類過服敗毒之藥致

中氣虛弱發熱或寒者方見發熱不止

六君子湯治瘡瘍脾胃虛弱不能飲食更或嘔吐而瘡不愈者方見

人參消風散治諸風上攻頭目昏眩項背拘

急肢體煩疼肌肉顫動耳若蟬鳴鼻塞多

嚏皮膚頑麻瘙癢癰疹目澁昏困方見赤白遊風

連翹防風湯治小兒肝脾風熱時毒頭面生

瘡

連翹 研碎

防風

黃連

陳皮

芍藥

當歸

獨活

白蒺藜炒去刺

荆芥

茯苓

黃芩

甘草

牛蒡子炒研等分

右每服二錢水煎服

惺惺散治風寒瘡疹痰嗽發熱

桔梗 細辛 人參

白朮 甘草 瓜蒌根

白茯苓

右為末每服二錢入薄荷五葉水煎服

和肝補脾湯治風熱瘡疹脾土不及肝木太

過

人參 陳皮 川芎各五分

白朮 茯苓 芍藥各七分

柴胡 甘草各三分 山梔炒四分

右作二劑水煎服

益脾清肝散治肝脾風熱瘡寒熱體痛脾胃

虛弱

人參 白朮 茯苓

甘草

川芎

當歸

黃芪各三分

柴胡

牡丹皮各二分

右水煎服

三黃散治風熱疔熱生瘡水浸淫膿流處便

濕爛

松香

五倍子

黃連

黃丹

海螵蛸各一錢

輕粉

雄黃各少許

右為末用瑩肌散煎洗滲之乾者油敷

立效散

定粉

松香

黃柏

黃連

枯礬各三錢

右為末用清燭油調搽

四君子湯方見腋癰

異功散方見敗毒之藥

加味逍遙散方見發熱不止

頭面瘡十

人身諸陽之氣會於首而聚於面其患瘡癩者因臟腑不和氣血凝滯於諸陽之經或稟賦腎陰虛肝火或受母胎毒或乳母六淫七情或食膏粱醇酒或兒食甘肥厚味所致其因不同當各辯其經絡審其所因而治之若發於目銳眦耳前上頰抵鼻至目內眦者皆屬小腸經發於鬚及頭角下頰耳後腦左右

者皆屬膽經發於頰前鼻孔及人中左右者皆屬大腸經發於鼻之挾孔下唇口及承漿頤後頰車耳前髮際額顛者皆屬胃經發於目內眦上額尖至後腦項者皆屬膀胱經既察其經即當分治若稟腎火者用六味地黃丸胎毒者犀角消毒丸食積癖者四味肥兒丸乳母膏粱者東垣清胃散至於諸腑受病必兼諸臟故患於額間屬心經發熱飲冷者

為實熱用導赤散發熱飲湯者屬虛熱用養
心湯左腮屬肝經或頸項勁強者為實熱用
柴胡清肝散或咬牙煩悶者虛熱用六味地
黃丸右腮屬肺經喘嗽飲冷者為實熱瀉白
散發熱咳嗽者為火刑金用人參平肺散鼻
間屬胃經發熱飲冷大便黃硬者為實熱用
瀉黃散發熱飲湯大便青白者為虛熱用異
功散患於頰及耳輪者屬膀胱經腎無實症
惟用地黃丸若瘡已潰久而不愈則當審其
臟氣之相勝病邪之傳變而以調補脾胃為
主若因乳母遺熱為患者當先治其母則兒
病自愈也

一小兒鬢患一瘡腫赤作痛余謂屬手足少
陽經風熱用柴胡梔子散不應診其母左寸
關脉弦洪而數即以前藥治母服之兒遂愈
一小兒十三歲右頰患腫作痛飲冷脉沉實

重按則數此積熱在臟也當踈通其內不信
乃泛服雜藥兼敷寒涼腫硬下頸內潰復來
請治脉已無力矣先用托裏散二劑針後又
二劑而膿始出惡寒少頃煩燥發熱作渴痰
喘此潰後變症因氣血虛故也先用當歸補
血湯二劑諸症頓止又用異功散加山梔胃
氣亦健末用托裏消毒散瘡斂而愈

一小兒右腮赤腫余謂胃經有熱先用瀉黃
散二服又用清胃散而愈後復患之敷石灰
等藥致傷其血瘡不能潰余先用活命飲次
用托裏消毒散而愈

一小兒耳後結數核作痛左腮青赤此肝疔
積熱所致用四味肥兒丸柴胡清肝散及五
味異功散加柴胡升麻而消

一小兒耳赤腫痛寒熱往來此肝經熱毒也
用加味小柴胡湯寒熱悉退又用柴胡清肝

散而赤腫頓消

一小兒頰間赤色作渴目睛白多面常生瘡
睡而露睛先君謂稟父陰虛用地黃丸補中
益氣湯而愈後出痘亦無虞設不預為調補
腎氣則出痘之危其可保耶

一小兒四歲太陽連眉不時作痒或生小瘡
此屬膽經風熱也先用地黃丸次用柴胡梔
子散後專服地黃丸而愈

一小兒面常生瘡左頰赤腫或睡中發搐審
其母素有鬱怒用加味逍遙散加味歸脾湯
母子俱服而愈

一小兒面白時或變赤生小瘡兩足發熱先
君以為稟賦足三陰虛熱不信專服清涼之
藥後出痘果黑陷而歿

一小兒久患前症耳下結核余曰此肝脾疢
毒也久而不愈則先用五味異功散加柴胡

梔子散清其肝火後用四味肥兒丸治其疳而愈

一小兒患前症耳後結核大便酸臭飲食減少余謂此脾疳所致先用五味異功散為主異功散為佐而愈

一小兒患前症頭皮光急發熱作渴小便頻數余謂此腎肝之疳也用地黃丸為主朝用補中益氣湯夕用五味異功散而愈

一小兒患前症鼻準色黃左腮色青食少泄瀉服犀角丸形體瘦弱口渴飲湯余用補中益氣湯健其脾氣佐以四味肥兒丸消其疳毒而愈

一小兒患前症痛痒不一右腮鼻準皆赤屬胃經有熱審之果因母飲酒所致先用清胃散次用加味道遙散治其母熱兒敷大楓膏而愈

一小兒因母鬱怒患前症無發搐吐痰鼻間
右腮皆赤色先用加味小柴胡湯二劑次用
加味歸脾湯四劑治其母熱兒亦少飲並愈
一小兒因母食厚味頭面患瘡右腮赤色久
而不愈用清胃散治其母以牛黃散治其子
淡旬而愈

一小兒面上患瘡頭忽赤腫口噤不語此胃
經熱熾也用活命飲酒調二服稍緩又酒煎
一服赤腫漸退後用解毒散而瘡

一小兒面上患瘡色赤作痛發熱飲冷脾肺
脉數而有力用仙方活命飲二劑瘡口出水
浴出遍身似大麻風症仍用前飲及清熱消
毒散而愈

表甥凌雲霄年十五壬寅夏見其面赤唇燥
形體消瘦余曰子病將進矣癸卯冬復見之
曰子病將深矣至甲辰春足陽明經部分皆

青色此木乘土位之症也先以六君柴胡芍藥山梔蕪荑炒黑黃連數劑稍定又以四味肥兒丸六味地黃丸及用參苓歸木芍草梔柴肉桂三十餘劑兼用加減八味丸而愈一小兒先眉間作痒搔即成瘡延及頭面傳立效散而愈後因乳母怒氣復痒作炒不安此肝膽二經之熱也兒用牛黃解毒丸母用加味逍遙散而愈

一小兒先患眉煉延及遍身如癩久而不愈手足並熱面色常赤此稟母胃火所致子服瀉黃散母服竹葉石膏湯加味道逍遙散子又用牛黃散拔毒散母子並愈

一小兒頭患瘡如癩或作痒結痂或膿水淋漓二年矣作渴飲冷發熱面赤此稟心與小腸表裡俱有熱也先用導赤散二服却用活命飲拔毒散漸愈子又服牛黃散母服逍遙

散而愈後因母食膏粱復發用清胃散母子服之子又服活命飲而愈

一小兒面生瘡作渴飲湯服敗毒之藥致吐瀉不食手足並冷余謂脾胃氣虛復傷而變症虛寒也先用益黃散而諸症退用異功散而瘡症愈

錢氏瀉黃散治瘡瘍作渴飲冷卧不露睛手足並熱屬胃經實熱宜用瀉黃散若作渴飲湯卧而露睛手足並冷屬胃經虛熱宜用五味異功散若誤服攻毒之劑吐瀉不食手足指冷脾腎虛寒也宜用益黃散若病後津潤不足口乾作渴胃氣虛也宜用七味白朮散

藿香葉

甘草

山梔仁

石膏煨五錢

防風二兩

右用蜜酒微炒為末每服一二錢水煎

益黃散治瘡瘍屬脾胃虛寒吐瀉不止手足
並冷者

陳皮一兩

丁香二錢

訶子炮去皮

青皮去白

甘草炙各半兩

右為末每服一錢水煎

養心湯治心氣不足虛熱上攻而患瘡瘍者

黃芪炒

白茯苓

半夏麩

當歸

川芎

辣桂

栝子仁

酸棗仁炒

五味子杵

人參各三錢

甘草炒四錢

右每服一二錢薑棗水煎為末服亦可

牛黃解毒散治胎毒頭面生癩或延及遍身

痒痛不安浸淫不愈及眉煉瘡

生甘草一兩

牛黃五錢膏梁之子必用之

金銀花一兩

右各為末每服二三分乳汁調服或用甘

草煎膏為丸如艾實大每服一九白湯化
下外傳清金散亦可

拔毒散治症同前及疥癩瘡癬

黃芩

黃連

白礬

三味俱生用

雄黃各五錢

銅綠二錢 痒甚加之 松香

右各另為末乾摻患處或用油調搽疥瘡

宜加枯礬三錢

梔子清肝散

即柴胡梔子散

治三焦及足少陽經風

熱耳內作痒生瘡出水或脇肋乳間作痛

往來寒熱方見脇癰

仙方活命飲治一切瘡毒腫痛或作痒寒熱

或紅絲走徹惡心嘔吐等症方見熱毒瘡瘍

治疔瘡等症用金銀花杵爛絞汁杯許入熱

酒半杯徐徐服之用藤葉亦効無鮮者用

枯者煮飲亦可

導赤散

方見臂癰

六味丸

即地黄丸加五味子四兩肉桂一兩名加減八味丸

竹葉石膏湯

二方見作渴不止

清胃散

方見腹癰

人參平肺散

方見肺癰

當歸補血湯

方見發熱不止

五味異功散

方見敗毒之藥

托裏消毒散

托裏散

二方見熱毒瘡瘍

加味歸脾湯

柴胡梔子散

即梔子清肝散

小柴胡湯

三方見脇癰

人參消風散

方見赤白遊風

瀉白散

方見臂癰

大楓膏

方見瘡疥

加味逍遙散

方見發熱不止

補中益氣湯

方見肌肉不生

四味肥兒丸

方見貼骨癰

眉煉

附癩頭瘡

眉煉者謂小兒兩眉間生瘡如疥癬當求其因而藥之蓋眉屬膽經若原稟肝膽經熱或乳母肝膽經有熱者用柴胡梔子散或乳母食厚味醇酒者用加味清胃散或乳母有鬱怒者用加味逍遙散俱與乳母服子亦飲少許仍參前症主之

一小兒患前症用柴胡清肝散母子服之而愈後因母不戒膏粱厚味復發延及遍體膿水淋漓先用清胃散次用柴胡梔子散與母服子用清金散牛黃解毒丸而愈

一小兒嗜膏粱厚味患之漸及肢體兩眉為甚膿水淋漓寒熱往來內用清胃散加味小柴胡湯外敷立効散而愈後眉間復發兩目連劄小便白濁將成肝痺用四味肥兒丸

味蘆薈丸而愈

一小兒因乳母不戒七情厚味患此延及遍身久而不愈母先用清胃散次用加味道遙散子用牛黃散解毒丸立効散而愈後兒食厚味眉間作痒搔破成瘡或痒或痛兩目連割用四味肥兒丸佐以加味清胃散而愈

一小兒眉間作痒破而成瘡延及遍身兩脇為甚用四味肥兒丸立効散母服柴胡梔子散加味道遙散而愈

一小兒患此服化毒丹乳食不納手足俱冷此藥傷胃氣用五味異功散與母服兒亦時服三五滴母又服加味道遙散加龍膽草漏蘆兒症漸愈

一小兒患此先延兩脇後及遍身此肝火乘脾也診乳母亦有肝火先用加味道遙散加炒黃連數劑却去黃連又二十餘劑而痊

一 小兒患之乳母惱怒其瘡益甚眉稜抽動
不經意延及遍身乳母甚怒兒面色赤驚悸
咬牙兼之發搐此心肝二經風熱所致也用
加味小柴胡湯加味逍遙散而愈
清金散治小兒疥癬眉煉或延及遍身蚤痒
或膿水淋漓經年不愈

松香 二兩

真蛤粉 五錢

青黛 二錢五分

右為末用燭油調搽或乾摻之或加輕粉

枯礬各三錢以治前症及胎毒疥癩尤効

立効散

方見黃水痘

加味逍遙散

方見發熱不止

牛黃解毒丸

方見前

四味肥兒丸

方見貼骨癰

九味蘆薈丸

方見喉痺

加味清胃散

清胃散

二方見腹癰

小柴胡湯

方見脇癰

加味小柴胡湯

方見熱毒瘰癧

導赤散

方見臂癰

活命飲

方見熱毒瘡瘍

牛黃解毒散

拔毒散

二方見頭面瘡

保嬰全書卷十二終

